

**JAMHURI WA MUUNGANO WA TANZANIA
WIZARA YA ELIMU, SAYANSI NA TEKNOLOJIA**



Chuo cha Ualimu Tandala,
S.L.P.377,

NJOMBE.

Simu: 0755-733983

Barua pepe: tandalatc@moe.go.tz

Unapojibu taja:-

Kumb.Na TTC/UW/17/150

16/05/2022

Ndugu

.....

**YAH: MAELEKEZO YA KUJIUNGA NA MAFUNZO YA UALIMU NGAZI YA
ASTASHAHADA YA UALIMU ELIMU YA MSINGI/AWALI (GATCE) 2022/2023**

UTANGULIZI

Unapongezwa kwa kuchaguliwa na Wizara ya Elimu, Sayansi na Teknolojia ili kujiunga na Mafunzo ya Ualimu ya Astashahada ya Ualimu wa Elimu Msingi/Awali (GATCE) katika Chuo cha Ualimu Tandala. Muda wa mafunzo ni miaka miwili (02).

MAHALI CHUO KILIPO NA NAMNA YA KUFIKA

Chuo kipo katika kijiji cha **Tandala Wilayani Makete** (Mkoa wa Njombe) umbali wa kilometa 80.6 toka Njombe. Ukifika Njombe panda mabasi yanayoelekea Ikonda, kama utafika jioni baada ya mabasi yanayoelekea Ikonda-Makete kuondoka, uliza nyumba za kulala wageni zilizopo karibu na stendi kwenye ofisi za mabasi - Njombe. Ukifika Ikonda telemka katika kituo cha mabasi ulizia sehemu Chuo kilipo, umbali wa kutoka Ikonda hadi chuoni ni kilomita moja ambapo unaweza kutembea kwa miguu.

DIRA YA CHUO.

Dira ya Chuo ni “Kutoa Walimu Mahiri wa Astashahada (GATCE) wenye maarifa, ujuzi na stadi wanaoweza kukabiliana na mabadiliko ya Sayansi na Teknolojia na changamoto mbalimbali za maisha Kisiasa, Kijamii na Kiuchumi” na Moto wa Chuo ni “**Elimu ni Kazi**”

MAHITAJI KWA AJILI YA USAJILI

1. VIFAA VYA DARASANI

- i) Rimu moja ya karatasi ya A.4. (Multifunctional/photocopyier) kwa ajili ya mazoezi na mitihani ya ndani **kila mhula na inakabidhiwa ofisi ya usajili** (zinapatikana maduka ya karibu na chuo).
- ii) Daftari 15 counter book (four au three quire) kwa masomo utakayosoma.
- iii) Mathematical set 1
- iv) Kalamu za wino, penseli na rula ndefu.

- v) Mkoba nadhifu wa kuchukulia daftari, kalamu na vitabu. *Ni marufuku* kwa mwanachuo kuweka daftari, vitabu, rula katika mfuko wa suruali, sketi, katika nguo ulizovaa au mkononi. Mifuko ya plastic, viroba na vingine visivyo vya hadhi ya mwalimu ni marufuku darasani.
- vi) Kila mwanachuo awe na Muhtasari (Syllabus) ya somo mojawapo linalofundishwa shule za msingi na kwa wale wa awali wawe na Mtaala wenye muhtasari kwa pamoja.


2. VIFAA VINGINE

Uwe na vifaa vifuatavyo kwa ajili ya matumizi yako binafsi.

- i) Sahani, bakuli na kikombe vya bati (**siyo plastic**), kijiko, na uma kwa ajili ya kulia chakula na ndoo ya ujazo wa lita 10 kwa ajili ya usafi binafsi.
- ii) Mablanketi mazito mawili, shuka mbili za **pink kwa wasichana** na **blue bahari kwa wavulana** pamoja na mto wenye foronya unaofanana na rangi ya shuka. Shuka za rangi nyingine hazitaruhusiwa.
- iii) Nguo za michezo aina ya track suit rangi ya kijivu za dukani zisizo na kofia-**siyo mtumba**.
- iv) Bukta na fulana za rangi nyekundu au njano na raba za michezo za rangi mbalimbali.
- v) Uje na fagio moja ngumu (hard bloom) na fagio moja laini (Soft Bloom) kwa wasichana na kwa wavulana uje na Jembe lenye mpini (vinapatikana kwenye maduka karibu na Chuo).
- vi) Picha mbili za passport size (za rangi) zenye background ya blue.
- vii) Kila mwanachuo awe na **pullneck** nyeusi ya kuvalia ndani ya shati la chuo.

3. SARE: Wasichana


- i) Shona suti nyeusi mbili (Sketi iwe kama mchoro namba 1 unavyoonesha).
- ii) Shati mbili za light blue mikono mirefu.
- iii) Viatu vyeusi vya ngozi vya kufunga na kamba, vyenye visigino vifupi/kawaida.
- iv) Soksi nyeupe zisizopungua jozi mbili
- v) Tai nyeusi mbili -sio “neck tie”
- vi) Tshirt ya chuo inapatikana chuoni kwa gharama ya shilingi 15000/=
- vii) Kwa wanachuo waislam wanaruhusiwa kuvaa hijab nyeupe.



3.1 SARE: Wavulana

- i) Shona suti nyeusi mbili (suruali iwe kama mchoro namba 2 unavyoonesha-refu wa kugusa kiatu)
- ii) Shati mbili za ‘light blue’ mikono mirefu.
- iii) Viatu vyeusi vya ngozi vya kufunga na kamba vyenye visigino vifupi/kawaida.
- iv) Soksi nyeusi zisizopungua jozi mbili.
- v) Tshirt ya chuo inapatikana chuoni kwa gharama ya shilingi 15000/=

vi) Tai nyeusi mbili sio “neck tie”



* Mavazi ya mitumba na mishono ambayo hayajaelekezwa hayatapokelewa

Aidha sare za chuo zinapatika kwa mafundi walio karibu na chuo, kwa maelezo zaidi kuhusu sare na ushoni wasiliana na mkufunzi wa mavazi kwa namba 0744169167 au 0768763731.

4. MAVAZI MENGINE

i) Leta mavazi ya heshima ya kiualimu.

Kwa wasichana: Suruali, sketi au gauni fupi **halitakiwi**. Suruali, Sketi na gauni lenye kubana mwili au kuonekana limegeuzwa au kuangaza halitakiwi.

Kwa wavulana: Pensi na Suruali aina ya 'jeans', dengrizi ama za kupandisha mpaka tumboni au kushusha chini ya kiuno hazitakiwi.

ii) **Nywele:** Kwa wasichana nywele za bandia hazitakiwi. Kwa wavulana hutakiwi kunyoa kipara, kiduku au mitindo yoyote ya kihuni, masweta au makoti yawe ya heshima.

5. ADA YA MAFUNZO

Ada ya Mafunzo ni shilingi laki nne na elfu hamsini (**Tshs 450,000/=**) kwa mwaka.

MALIPO YA ADA YANAFANYIKA KWA KUTUMIA NAMBA MAALUM YA MALIPO (CONTROL NAMBA) ambayo watapewa na Mhasibu mara tu mfikapo chuoni (Au waweza wasiliana na Mhasibu kwa namba **0767285709** ili upewe control number). Malipo haya ya Ada yanaweza Kufanyika kwa Awamu mbili kila muhuala **Tshs 225,000/=**

6. MICHANGO MINGINE

NA.	MCHANGO	JUMLA	MAELEZO
i.	Huduma ya Kwanza	10,000	Kwa Mwaka
ii.	Usajili na Kitambulisho	20,000	Mwaka wa kwanza tu
iii.	Serikali ya Wanachuo	5,000	Kwa Mwaka
iv.	Elimu ya Michezo	30,000	Kwa Mwaka
v.	Ulinzi	30,000	Kwa Mwaka
vi.	Usafi, Mazingira na EK	20,000	Kwa Mwaka
vii.	Ukarabati	25,000	Kwa Mwaka
viii.	Kukodisha Godoro	10,000	Kwa Mwaka
ix.	Bima ya Afya	50,400	Kwa Mwaka kwa wasiokua na Kadi za Bima ya Afya
JUMLA		200,400	

Fedha yote ya michango ilipwe kupitia akaunti ya Chuo ya **NMB**, namba **60401100008** Jina la akaunti ni **Tandala Teachers' College**. Tafadhali **andika jina la mwanachuo anayelipiwa na si vinginevyo**. Baada ya Malipo mwanachuo anatakiwa kuja na **BANK –PAY–IN SLIP** halisi toka bank sio nakala (Photocopy).

NB: - Malipo ya Michango yanaweza kufanyika kwa awamu **moja** au awamu **mbili**. Muhula wa kwanza Tsh 125,400.00 na mhula wa pili Tsh 75,000.00. Chuo hakitapokea **fedha taslim** kutoka kwa wanachuo kwa sababu zozote zile.

- Mwanachuo hatapokelewa iwapo hajakamilisha malipo ya Michango na Ada kama ilivyoelekezwa hapo juu.
- **Fedha zikishaingizwa kwenye akaunti ya Serikali hazitarudishwa.**

7. KABLA YA KUFIKA CHUONI

Nenda kwa daktari anayetambuliwa na Serikali ili upimwe afya yako, fomu ya kupima afya imeambatanishwa. Chuo hakina huduma maalumu ya chakula (**Special Diet**) pia Chuo kinatoa huduma ya kwanza kutokana na michango. Kwa matibabu zaidi mwachuo atajigharamia au atatumia kadi yake ya **Bima ya Afya**.

8. UTAMBULISHO

Unatakiwa kuja na **vyeti halisi (SIYO NAKALA)** vifuatavyo:-

- i) Cheti cha kuhitimu kidato cha nne/sita, (Leaving Certificate) yenye picha na muhuri wa Mkuu wa Shule uliogongwa juu ya picha yako katika cheti chako (Leaving certificate) au result slip. Cheti kiwe kinatambuliwa na Serikali.
- ii) Cheti cha matokeo ya mitihani ya kitaifa cha Baraza la Mitihani ya kidato cha nne/sita (Academic Certificate)
- iii) Cheti cha kuzaliwa (Birth Certificate) ni lazima ulete, majina yalingane na cheti cha NECTA.

Kutoleta vyeti vilivyotajwa hapo juu kutafanya **USIPOKELEWE**. Vyeti vyako utakabidhiwa mwishoni mwa mafunzo baada ya kusajiliwa na **BARAZA LA MITIHANI LA LA TANZANIA** na kukamilisha taratibu zote/kulipa madeni yote ya serikali. **Kuleta vyeti vya bandia au ambavyo sio vyako ni uvunjaji wa sheria za nchi ukibainika hatua kali za kisheria zitachukuliwa dhidi yako.**

9. MAPOKEZI

Mara ufikapo chuoni ripoti Ofisi ya Usajili kwa utambulisho na kukabidhi vyeti, risiti za benki za michango, na vifaa mbalimbali.

Pamoja na maelezo ya hapo juu, kama upo tayari kusoma katika Chuo hiki utatakiwa kufuata kanuni za Chuo. Ukivunja kanuni hizo utaondolewa chuoni. Aidha ukifika chuoni utapewa maelekezo ya namna ya kuishi chuoni. Endapo utapata changamoto na kuhitaji msaada Maelezo au ufafanuzi wasiliana kwa namba zifuatazo (Msajili -**0763086245; 0754348656**).

MWISHO

Tarehe ya kuripoti chuoni ni tarehe **13/6/2022** ifikapo tarehe **30/6/2022** hautapokelewa.
Uongozi wa Chuo Cha Ualimu Tandala unakutakia maandalizi mema.

KARIBU CHUO CHA UALIMU TANDALA



VEDASTO J KIBYALA
MKUU WA CHUO

MKUU WA CHUO,
TANDALA CHUO CHA UALIMU,
S. L. P. 377,
NJOMBE—TANZANIA.

Nakala: Katibu Mkuu,
Wizara ya Elimu, Sayansi na Teknolojia
S.L.P. 10
DODOMA.

Mkaguzi wa Mkuu.
Kanda ya Nyanda za Juu Kusini,
S.L.P. 2288,
IRINGA

Afisa Elimu,
Mkoa wa Njombe,
S.L.P. 858,
Njombe.

Mwenyekiti wa Bodi ya Chuo,
S.L.P. 1,
MAKETE.

WIZARA YA ELIMU, SAYANSI NA TEKNOLOJIA
CHUO CHA UALIMU TANDALA
SHERIA ZA CHUO

Mwanachuo akivunja mojawapo ya sheria zifuatazo ataondolewa chuoni kwa kuzingatia sheria na taratibu zilizopo.

1. Mwanachuo mwenye mimba, aliyetoa mimba kwa makusudi au anayejaribu kutoa mimba.
2. Ulevi wa pombe, wizi, bangi, sigara au madawa ya kulevya.
3. Mwanachuo kujiingiza kwenye tabia ya uasherati au uzinzi na mtu yeyote yule.
4. Mwanachuo kuacha kuhudhuria vipindi vya masomo kwa idadi ilivyowekwa kwa mujibu wa sheria.
5. Mwanachuo kujiamulia kuondoka kulala nje/ eneo la Chuo bila ruhusa.
6. Ni kosa kwa mwanachuo kutumia nafasi yake au uwezo wake kuwafanya wenzake ama watu wengine wasitii Serikali halali ya nchi au chombo chochote halali cha Serikali katika nchi
7. Udanganyifu wa aina yeyote kama vile kughushi vyeti vya kitaaluma, risiti za malipo ya fedha (k.m. pay – In – Slip).
8. Mwanachuo kuwa na mahusiano ya kimapenzi na mlezi wake (mkufunzi/mfanyakazi).

Jina la mzazi/mlezi**Namba ya simu.....**

Sahihi **Tarehe**

Jina la mwanachuo

Sahihi **Tarehe**

(Baada ya Kusaini Nakala Moja Ikabidhiwe Ofisi ya Usajili)

GOVERNMENT OF TANZANIA

REQUEST FOR MEDICAL EXAMINATION.

PART A.

**TO,
THE MEDICAL OFFICER,**

.....
.....

From.....
Date.....

Mr/Mrs/miss.....

Name in Full.

Please Examine the above named as to him/her physical and mental fitness from a full time Teacher Training Course. The Examination should include the following categories:-

- (a) Eye – Sight
- (b) Hearing
- (c) Limbs
- (d) Speech
- (e) Venereal diseases
- (f) Epilepsy
- (g) Necroses
- (h) Other serious diseases
- (i) Pregnancy

MEDICAL CERTIFICATE

PART B.

(To be completed by the Government Medical Officer)

I have Examined the above named and consider that he/she is physically Fit/ Unfit and mentally fit /unfit for a full time Teacher Training Course.

- (a) Eye - Sight.....
- (b) Hearing.....
- (c) Limbs.....
- (d) Speech.....
- (e) Venereal disease.....
- (f) Epilepsy.....
- (g) Necroses.....
- (h) Pregnancy.....
- (i) Other serious disease.....

WIZARA YA ELIMU, SAYANSI NA TEKNOLOJIA

CHUO CHA UALIMU TANDALA

FOMU YA KUKUBALI NAFASI YA KUJIUNGA NA CHUO

I. MWANACHUO

Jina la Mwanachuo.....Anuani.....

Mimi nimekubali kujiunga na chuo cha Ualimu Tandala. Nimesoma maagizo yote ya chuo kwa umakini na kuyaelewa. Naahidi kuwa mtiifu na nitazingatia sheria na taratibu zote za chuo kama nitakavyoelezwa.

Saini ya mwanachuo.....tarehe

II. MZAZI/MLEZI

Mimi.....

Mzazi/mlezi wa.....na. simu.....

Nimesoma kwa makini maagizo ya chuo yaliyotolewa kwa mtoto/kijana wangu. Nimekubali mwanangu ajiunge na chuo hicho. Naahidi kuwa nitashirikiana na Uongozi wa chuo katika kumkuza na kumlea mwanangu kitabia, kielimu na kimaadili ya Ualimu ili kumfanya awe mwalimu wa mfano katika jamii.

Saini ya Mzazi/mlezi..... Tarehe.....

NB Mzazi/mlezi hakikisha mwanao/kijana wako amezisoma sheria zote za chuo zilizoambatanishwa kwa umakini mkubwa na kuzitafakari, ndipo usaini fomu hii.